

大明漳州府志

正德

明陳洪謨修

下冊

中國人民政治協商會議福建省漳州市委員會



廈門大學出版社 國家一級出版社
XIAMEN UNIVERSITY PRESS 全國百佳圖書出版單位

正德

大明漳州府志

下冊

明陳洪謨修

中國人民政治協商會議福建省漳州市委員會



廈門大學出版社
XIAMEN UNIVERSITY PRESS

國家一級出版社
全國百佳圖書出版單位

正德

大明漳州府志

責任編輯：董興艷

封面設計：李夏凌 洪祖洵

K0543-1-1
ISBN 978-7-5615-4372-6



9 787561 543726 >
总定价：900.00元（上下册）

图书在版编目(CIP)数据

大明漳州府志/(明)陈洪谟修. —厦门:厦门大学出版社,2012.8

ISBN 978-7-5615-4372-6

I. ①大… II. ①陈… III. ①漳州市-地方志-明代 IV. ①K295.73

中国版本图书馆 CIP 数据核字(2012)第 191930 号

厦门大学出版社出版发行

(地址:厦门市软件园二期望海路 39 号 邮编:361008)

<http://www.xmupress.com>

xmup@xmupress.com

漳州市桥南印刷有限公司印刷

2012 年 8 月第 1 版 2012 年 8 月第 1 次印刷

开本:787×1092 1/16 印张:133 插页:8

印数:1~2 000 册

总定价:900.00 元(上下册)

本书如有印装质量问题请直接寄承印厂调换

大明漳州府志卷之十七

禮紀

文章關於氣運古有是言也以今觀之文章不
關於氣運乃關於人力也芸牒雪案考古訂今
及其至也必有所悟有所悟則文章在我矣推
之而上上有益於君推之而下下有益於民若
夫珍竒怪偉曼衍闕肆如三都賦所述累千萬
言不過歸於節儉二字而已則此志有不勝其
錄者矣著藝文志

賦

荔子賦

胡宗華

洪武間巡按御史廬陵陳仲述按漳日課諸生令作荔子賦無有應者時宗華分教邵庠乃作此以獻

予嘗登尉陀之荒臺過無諸之故墟覽山川之
奇勝觀草木之瓌殊緋桃朱柿之焜煌江橙盧
橘之榮敷或叢生於炎麓或秀發於海區名與
味兮駢美香與色兮洵都信南方之異果或可
貢于帝居惟荔枝之佳品寔中國之所無宜馳
名於君謨之譜而見序於居易之圖也觀其氣
受東震精稟南離陽明內蘊華采外施

于深固抱海氣之淋漓枝疑緗兮交暢葉染
兮歲蕤遠而望兮如擎天之高蓋邈而瞻兮如
疊翠之重帷火流大地兮而清寒襲予霜凝絕
壑兮而堅剛匪虧材孔大而合抱蔭低垂而從
規揚芳聲於海嶼延清景於亭池寶之者無斧
斤之及憇之者如雲庇之垂以側生而見毀何
或者之罔知當其暴雨既霽凱風微涼花霏霏
兮綴蜜穗實靡靡兮垂青房如韶光以自斂迨
有積而後彰林鍾戒辰心星正陽膚凝脂兮皴
殼肌斂玉兮含漿如英華之既發雖欲拚而難

截爛如彤雲之合斂如彩鳳之翔燁然疑火珠
萬斛照金烏而晝見燦然訝神丹九轉射玄圃
而流光堆於雕鳳之盤薦於畫錦之堂擘輕綺
之絳膜吐明月之員璫唇未沾而先嗑口旣斂
而尤香具甘滋之正味食雖饗而靡傷可以克
席珍而娛賓客之奉可以薦邊實而格神祖之
洋洋彼擬倫於甘橘徒以甜酸而見齒或比議
於蒲萄信其謬說之荒唐也惜乎生於炎海之
濱植于遐異之方去京華兮萬里瞻天門兮堂
堂柳夾道兮江路遙桂倚巖兮天風長日未

時宜株守以自蔽與媚妃嬪之咲兮寧培根柢
 於深固也與陪飛塵之騎兮寧分清陰於草塘
 也務植德以滋身願托根於南荒沐雨露之嘉
 澤爛雲霞以成章隨榮瘁之所遇圃生成於玄
 黃幸弗滄於凡草同腐滅於飛霜庶留名於譜
 諫垂百世而流芳

有美人賦

劉宗道

洪武初宗道應聘至京師考文考行皆
 第一授僉都御史後為同事者中傷
 雲南此熱疑貶雲南時所作有騷聲
 但所謂美人者是自况所指與騷異

有美人兮雲之中佩蘭芳兮被芙蓉盛年華兮
嗟不偶日梳洗兮誰爲容樂莫樂兮新相知憂
莫憂兮生別離援素琴兮寫清商情調舌兮聲
淒而儀棣棣兮傾城蓀瓊瓊兮蓋世邛涉否兮
我辰事偃蹇兮擇美旣離合兮有天非人力兮
可致願服玉兮固膚兩抱璞兮堅志毋歎老兮
嗟悲慮行道兮非是山額額兮雲悠悠萬籟動
兮風颼颼信脫纓兮曰有期酌金壘兮消隱憂
聊逍遙兮容與人或嘲兮謂迂何卽鹿兮深淵
反緣木兮求魚類虺蜥兮天地塵棲草兮無昆

衰一生兮須臾執子莫兮誰嗣想精衛兮有心
填東海兮寧知深一螳螂兮賈勇衆士歸兮如
林羌予靈琴兮萬物其二小兮下仙仙矧九州兮
博太無一人兮可斷金重華兮英皇大妙兮文
王仰蒼穹兮玄玄豈寸尺兮可量

望夫君賦

周宣

望夫君而極目兮阻咫尺以千里痛切骨而魂
飛兮情脉脉而不得與語夜漫漫其未央兮心
耿耿而獨處顧靈脩之潔白兮惟霜雪之可比
嘆緣淺而分薄兮自情深而不已欲百年以歡

樂兮爲萬世之托始惟蒼旻之可表兮實予心
之不二佩江澗之芳蘭兮雜幽谷之薜芷撫筐
篚之有實兮宜見禮於君子託良媒以歸妹兮
恐愆期而齟齬匪厥須之佻巧兮何旣歸而爲
娣豐其屋以自蔀兮羞見跛而能履慨日月之
居諸兮時冉冉何其易嘆洪波之不復兮迅西
流於東海覽鸞鏡以徘徊兮恐朱顏之易改憑
旁人以通信兮正爭妍而妬美委古井之澄澈
兮信波瀾之不起霜凜凜以自寒兮誰肯念
懷楚何異乎長門之掩扉兮闕無人以晉申傷

躑躅以難堪兮乏雙翼以高舉投千金以買賦
兮問相如之已鬼欲赴高唐之墟兮記陽臺之
神女朝颺颺以行雲兮暮蕭蕭以行雨彼亦自
媚其舜華兮搖瓊珮以延佇色怡怡而若順兮
心猶妬而莫許涉荆湖之深淵兮水有蛟登楚
岫之巉嵒兮山有虎思昔孔孟之聖賢兮猶與
時而舛午桓魋伐樹兮臧倉見沮終箠箠以不
遇兮豈一女之失所窮通天之定分兮雖趙孟
而莫與帳夫君之不自爲兮何怨尤於彼此忍
天寒而衣單兮心搖搖如有俟鶼蘭蕙之芳英

兮吸杞菊之清露掇八蠶之繭絲兮結同心之
雙縷盼光景之未暮兮舍夫君而誰主

鴻江賦

鄭解元

漳浦縣白石人其名失傳

維清漳之名郡為八蠻之粵區貢屬楊州之域
星分婺女之墟由金浦之縣治距三舍而有餘
厥有勝境其名鴻儒納長流之巨浸會潮汐以
奔趨因以鴻而名江非誇大而過譽秋濤洶洶
春水溶溶夜月沉壁朝曦浴紅金井瓊林闔關
乎其外佛潭湖谷迤邐乎其中聳峩峩之怪石
漫心卜之瓜嶼龜山龍撻兮留仙跡 縹渺人

畫業兮屹浮圖於杳濛舉鴻江之勝槩雖筆
話而難窮又若埭田水足農務方春晚簑披雨
曉笠耕雲白水青秧縱橫遠近布碁局平原曠
野參差高下疊龍鱗時或沙草迷青海鷗點白
漁唱蘆汀鴈棲葦澤嶠海收雲崦岷掛日霞鷺
齊飛水天一色雖妙手之丹青欲描摸而莫得
逮至歲事將闌農功告備楓葉飄丹梧桐墮翠
松秉貞心梅含素蕊玻璃鏡裏時有訪戴之人
煙水圖中幻出玄貞之子四時之景不同悉鴻
江之嘉致至於風收蘋末潮退江臯舒千尋之

白練駕一葉之輕舸釣垂霜渚網撒煙波長鱸
兮得細鱗之美子魚兮羨通印之褒銀深房之
牡蠣持各索之巨螯香凝石乳腹滿金膏文魚
石拒海蜃香螺論鴻江之土產實珍異之為多
貢霞城之豪貴盡此地之餘波噫地以人而顯
人以地而靈既萃山川之佳麗必鍾人物之奇
英登武功者佩虎頭之符命進文學者題虎榜
之科名詩書世澤閱閱簪纓泛觀前代歷歷可
稱江水兮泱泱雲山兮蒼蒼民恬物熙兮俗康
而康吁嗟此江之人兮其樂無疆

詞

湖心亭

趙以夫

愛東湖六月十里香風翠蓋湖平誤入紅雲裏
 似當年太乙故故尋盟恍然坐我蓬島分得一
 襟冰漸轉午輕陰浮嵐浸碧細草鋪青 娉婷
 默無語想怨女三千長日宮庭六六闌干曲有
 玉兒才貌誰與看承為花判取沉醉翻作短歌
 行到夜靜人歸涼蟾自照鷗鷺汀

頌

文山書院

鄭瑀龍溪福河人